



Inatsisartunut ilaasortaq Nivi Olsen, Demokraatit

**Neqi A/S aamma naatsiianik naatitsisarnermut tunngatillugu § 37-mut
tunngatillugu apeqqut nr. 212-mut akissut**

15-09-2017
Sagsnr. 2017 - 14470

Inatsisartut suleriaasianni § 37, imm. 1 naapertorlugu Neqi A/S aamma naatsiianik naatitsisarneq pillugu Naalakkersuisunut apeqqutinik saqqummiussisimavutit. Apeqqutit suliassaqarfinni akineqartussanngortinneqarput.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

1. Ilumoorpa pisortanit pigineqartoq Neqi A/S Tuttuuni naatsiaanik naatitsisimammat taamaasillunilu naatsiianik naatitsisartumut namminersortumut pisortatigoortumik unammillilerluni? Tunngavissalimmillu unammillerpa? Aamma eqqorpa Neqi A/S-p naatsiianik naatitsisartut namminersortunut nalunaarsimammat, nammineq naatitani pisiareqqaarlugit allat naatsiaanik naatitsisartut namminersortut naatitaannik immaqqa pisisinnaajumaarluni?

Akissut: 2017-imi Neqi A/S-imut naatsiianik naatitsisartut tamarmik tunisinissamut periarfissinnissaat qulakkeerniarlugu Kujataani naatsiianik tunisisarnermut tunngatillugu Neqi A/S-ilu Naalakkersuisut oqaloqateqarsimapput.

Tamanna tunngavigalugu 2017-imi savaatilinnit naatsiianik naatitsisunit naatsiianik pisiaqarnissamik savaatillit peqatigiiffiannut SPS-imut maannakkut neqerooruteqarsimanertik Neqi A/S-ip ilisimatitsissutigisimavaa. Aamma ukiunut tullinnguuttunut savaatillit peqatigiiffiannik SPS-imik tunisinissamik isumaqatigiisummik Neqi A/S-ip atsiugaqarnissaa naatsorsuutigineqarpoq.

Tuttutuuni naatsiianik naatitsisarnermut tunngatillugu naatitsinermik isumaginnittutut namminersortutut savaatiliunera Neqi A/S-ip ilisimatitsissutigisimavaa.

Ilisimatitsissutaasoq naapertorlugu narsaatini misilerarneqarsimasumik naatsiianik katersuisartutut maskiina Neqi A/S-ip tuniseqataaffigisimavaa. Neqi A/S-ilu tamanna pillugu isumaqatigiisut aamma ataqatigiissaarineq

malillugu naatitsisartut tamarmik narsaatiminni maskiinamik tassannga atuinissamut periarfissaqassapput.

Ilisimatitsissutaasoq malillugu naatitsisartunit taakkunangga naatsiiianik pisiaqarnissaq siunertaralugu namminersortutut savaatilinnut aalajangersimasumik amerlassusilinnut, naatsiiianik naatitsisartunut Neqi A/S naatsiiianik naatitassanik pilersuisimavoq.

2. Ilumoorpa Nunalerinermut Naalakkersuisup uia Neqi A/S sinnerlugu naatsiiianik naatitsisimammat? Taamaassimappat paaserusuppara tassunga atatillugu isumaqatigiissusiarineqarsimasup imai aamma peqataanik kissaatigaara Nunalerinermut Naalakkersuisup pisoq soqutigisanut assortuuttoq Naalakkersuisut Siulittaasuannut apuussimaneraa, Nunalerinermut Naalakkersuisutut toqqarneqannginnermini?

Akissut: Ilisimatitsissutaasut naapertorlugit niuernermut tunngassuteqartunik atugassaqtitaasumik Neqi A/S-imut tunisinissaq siunertaralugu savaatillit arlallit akornanni Namminiilivinnermut, Nunanut Allanut Nunalerinermullu Naalakkersuisup uia naatsiiianik naatitassanik pissarsisimasut akornanniippoq.

Namminiilivinnermut, Nunanut Allanut Nunalerinermullu Naalakkersuisup uia savaatiliuneranik taamaalillunilu nunalerinermik suliaqartuuneranik Naalakkersuisut Siulittaasuata ilisimavaa, aamma ilisimasimavaa. Tamanna tunngavigalugu attuumassuteqarpallaarluni sulianut peqataasinnaannginnermut tunngatitamik Naalakkersuisut Siulittaasuata Naalakkersuisoqarfianit ilitsersuut suliarineqarpoq, tassunga makkuninnga pisoqartillugu ilisimatitsisoqassalluni: *“Namminiilivinnermut, Nunanut Allanut Nunalerinermullu Naalakkersuisoq suliaqarfittut akisussaaffimmi “Nunalerinermi” suliami aalajangersimasumi peqataasinnaanngitsutut nalilerneqarpat peqataasinnaannginnera naalakkersuisoqarfimmiit Aalisarnermut Piniarnermullu Naalakkersuisumut nalunaarutigineqassaaq, suliamilu aalajangersimasumi tassani akisussaasutut naalakkersuisunngussalluni. Taamatut pisoqarsimatillugu Naalakkersuisut Siulittaasuata Naalakkersuisoqarfianut nalunaaruteqarnikkut tamatigut Naalakkersuisut Siulittaasuannut ilisimatitsissutigineqartassaaq”*.

3. Pisortat pigisaat Neqi A/S naatsiiianik naatitsisartunit namminersortunit naatsiarsiumasimannginnera Naalakkersuisut qanoq isumaqarfigaat?

Akissut: Naalakkersuisut piffissami kingullermi arlaleriarluni Neqi A/S-imik attaveqartarsimapput, Neqi A/S-imi naatsiiianik naatitsisartut tamarmik naatsiiianik tunisinissaannut periarfissaqarnerat qulakkeerniarlugu.

4. Pisortat pigisaata Neqi A/S-p naatsiianik naatitsisartunut namminersortunut unammillerpasinnera Naalakkersuisut qanoq isumaqarfigaat aamma Naalakkersuisut isumaqarpat unammillerneq assigiimmik tunngaveqarluni ingerlanneqartoq?

Akissut: Apeqquut 3-mut akissut takuuk.

5. Suliamut tunngatillugu Naalakkersuisut allanik paasissutissanik peqarpat?

Akissut: Naatsiianik tunisisarneq pillugu piffissamut ungasissumut atuuttussamik isumaqatigiisummik Neqi A/S-ip aamma savaatillit peqatigiiffiata SPS-ip isumaqatiginninniarnert Naalakkersuisut pingaartippaat.

Inussiarnersumik inuulluaqqusillunga



Hans Enoksen